

Gebet

Lieb Gott, Vater im Himmel, gheiliget wärdi di Name.
Dis Riich chöm u di Wiue gschächi
im Himmu, im Jensits, wi o uf dr Ärde, im Diesits.

I danke dir, dass du mi liebsch u mir aus das gisch,
wo i zum Läbe bruuche.

I bitte di im Name Jesus Chrischtus, vergib mir mini Schuld,
miner Zwiifu.

Genau a so wott vergibe o i dene Mönsche,
wo mir Unrächt ta hi – u i bitte di, dass ou du dene tuesch
fürzeihe, u se tuesch sägne mit Liebi, Fride, Klarheit, Gloube
u au däm wo si uf ihrem Wäg süsch no bruuche.

I danke dir lieb Gott, dass du mich jitz u hie vo au dere Schuld,
dere Lascht befreit hesch u i mit Liechtigkeit cha witorschritte.

Ich danke dir ou, dass du mi uf däm Wag dür d'Versuechige derdür
füersch u vom Böse erlösisch.

So trenne i hiemit im Name Jesus Chrischtus aui aute Bande u
Verstrickige, aui Verfluechige u Säubschtverwünschige
wo mir uf äm Wäg mit dir hinderlech si.

Im Name Jesus Chrischtus verbanne i hiermit o aui Schatte,
wo kes Aarächt hi da dsi – uf dass si uf kei Art u Wiis me chöi
Ifluss näh, weder uf mi no mini Liebe, noch di ganzi Umgäbig,
weder diräkt no indiräkt, weder jitz no i Zuekunft u für aui Ewigkeit.

I danke dir Herr, für dini Gnaad, dis Erbarme; danke dir, dass
i so befreit, wie o beschützt u gleitet vo de dine darf witorschritte
uf äm Wäg i dis Riich, wo da isch d'Chraft u d'Herrlechkeit
für immer u ewig.

Amen